



SAMBAND ÍSLENSKRA SVEITARFÉLAGA

Mennta- og menningarmálaráðun.
b.t.

Reykjavík 5. nóvember 2018

Sölvhólsgrötu 4
150 Reykjavík

1811007SA BG
Málalykill: 00.64

Efni: Umsögn um drög að stefnu í íþróttamálum

Vísað er til tilkynningar á samráðsgátt stjórnarráðsins, dags. 24. október sl., þar sem óskað er eftir umsögn um drög að stefnu í íþróttamálum. Fram kemur að drögin hafi verið unnin í samstarfi ráðuneytisins og íþróttanefndar ríkisins og eigi að gilda frá 2019-2030. Fyrri stefna var í gildi frá 2011-2015.

Sambandið fagnar þessari endurskoðun á stefnu í íþróttamálum og styður við þær aðgerðir er koma fram í stefnunni. Samkvæmt drögunum skiptist stefnan í átta undirflokka og eru sveitarfélögin tilgreind sem ábyrgðaraðilar í sex af þessum undirflokkum en það eru:

- Skipulag og starfsemi íþróttahreyfingarinnar
- Íþróttir barna og unglinga í skólastarfi
- Þátttaka barna og unglinga í íþróttastarfi
- Keppnis- og afreksíþróttir
- Almenningsíþróttir
- Íþróttamannvirki

Hlutverk sveitarfélaga í framfylgd þessarar stefnu er því mikil. Í dag eru flest sveitarfélög að styðja við íþróttastarfsemi í sinni heimabyggð þó sá stuðningur sé misjafn milli sveitarfélaga. Sum þeirra verkefna sem vísað er til í stefnunni flokkast undir lögbundin verkefni sveitarfélaga meðan önnur eru valkvæð. Í drögunum að stefnu í íþróttamálum er hvatt til aukins stuðnings sveitarfélaga við íþróttir en aukin stuðningur mun fela í sér aukin fjárútlát í formi þjónustu, styrkjum til íþróttahreyfingarinnar og/eða fjármunum í uppbyggingu fyrir íþróttastarfsemi. Því er mikilvægt að gefa sveitarfélögum nauðsynlegt svigrúm við framfylgd stefnunnar þannig að aðgerðir þeirra taki mið að staðhættum sem og fjárhagslegri getu sveitarfélaga. Sveitarfélög hafa sjálfstjórn í þeim verkefnum er þeim eru falin, sérstaklega þegar kemur að ákvörðunum um útgjöld úr tekjustofnum eða forgangsroðun framkvæmda.

Virðingarfyllt

SAMBAND ÍSLENSKRA SVEITARFÉLAGA

Karl Björnsson
framkvæmdastjóri